



partii naleraq

UPA2017/182

Immikkoortup 182 siullermeerneqarnera:

**Brintiliornermut brintillu atorneqarnissaanut illoqarfinni imermit nukissiornermik pilersorneqartuni nukiup atorneqanngitsup atornissaanut Ilulissani misiliutaasumik suliniuteqarnissamut pilersaarummik Naalackersuisut UPA 2018-imut saqqummiussinissamik peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortanit Debora Kleist, Anders Olsen, Vivian Motzfeldt, Bendt B. Kristiansen aamma Mala Høj Kúko)

Siullermik partii naleqqamiit siunnersuutitsialammut qujaffigerusuppagut sanaartornermi ataatsimiititaliaq atorluanerunissaq siunertaralugu uani saqqummiimmata.

Tassami naalagaaffinngulernitsinni pingaarutilerujussuuvoq sulluunniit annerpaamik atorluarnissaa, aamma nukissiuuteqarnerup iluani. Brinti ikummatissaralugu nukimik pilersitsineq minnerpaamilluunniit nunarsuup silaannartaanik mingutitsinngilaq killormulli minguinnerpaalluni, nunarsuarmilu ineriartortinneqarnera siuariartorluni, soorlu aamma maani Nukissiorfiit misilerarlugu annikittumik atornikuugaat. Iluatsilluannngitsutut nalilernerqarsimappat taava aperisariaqarpugut suna tunngavigalugu tamanna misileraaneq ingerlanneqarsimava? Tassami nunarsuarmioqatitsinnut ineriartortitsineq malinnaavigilaaraanni taakkunani ineriartortitsisoqarpoq, aammalu Naalackersuisooqatigiit aamma anguniagaqarput ukioq 2024 nallertinnagu mingutitsinngitsumik nukissiornikkut pilersulerumaartugut, tassuuna aamma takusinnaavarput anguniakkanut naapertuuttoq.

Tamakkunungalugu naapertuuttumik sanaartornermi ataatsimiititaliaq tunngavilersuilluni ima allappoq:

”Sanaartornermut ataatsimiititaliap isumaqarpoq, ukioq tamakkerlugu ukiulluunniit ilaani nukissiamik maanna sinneqartoortoqartartoq, taamaattumillu isumaqarluni brinti atorlugu nioqqutissiorneq suliniuteqarfigissallugu soqutiginaruusoq, taamaalilluni nukik pilersinneqartoq annaaneqassanngimmat. Brintiliornikkut nukiup atorneqanngitsoortup sinneruttup atorneratigut nukik toqqorneqarsinnaavoq assartorneqarsinnaallunilu, taamaalillunilu sumiiffinni allani nukimmik mingutsitsissutaanngitsumik pilersitsisoqarsinnaassalluni.”

Aningaasalersuinissamullu assersuutitut siunnersuutaat aamma tunngavigalugu, misiliinngikkuttalu ilisimasaqarnerulernaviannnginnatta tassuunalu ineriartortitsilluta sapiiserluta alloriaqqittariaqarpugut.

Taamaa oqaaseqarluta Naalackersuisut akissutaat tusaatissatut tinguarput.

Qujanaq

Per Rosing-Petersen